



Stendal VVS AS
Blombakken 1
5911 ALVERSUND

Referanser:
Dykkar:
Vår: 14/4973 - 18/26809

Saksbehandlar:
Anne Lise Molvik
anne.lise.molvik@lindas.kommune.no

Dato:
05.09.2018

Løyve til endring av gitt utsleppsløyve - gbnr 215/19 Eidsnes ytre

Administrativt vedtak: **Saknr: 452/18**

Byggestad: Gbnr: 215/19
Tiltakshavar:
Ansvarleg søkjar: Stendal VVS AS
Type utslepp: Sanitært avløpsvatn med utslepp Mindre enn 50pe
Søknadstype: Forureiningslova § 11, jf. forureiningsgorskrifta § 12-3

SAKSUTGREIING:

Saka gjeld søknad om endring av utsleppsløyve for bustad på gbnr 215/19 gitt i vedtak datert 06.07.2015. Utsleppet frå eigedomen skal reinsast i slamavskiljar før utsleppet skal førast i tett leidning til eksisterande utsleppsleidning som går til sjø.

Det vert søkt om endring av utsleppsstad. Utsleppet skal no førast til eksisterande avløpsleidning frå gbnr 215/2 som går til sjø i staden for eksisterande avløpsleidning frå gbnr 215/81 slik det er gitt løyve til. Reinseløysing og storleik på utsleppet er uendra.

Det vert vist til søknad journalført mottatt 08.05.2018.

Passering

Plassering og utsleppsstad er vist i kart journalført mottatt 08.05.2018.

Eksisterande utsleppsleidning som anlegget skal knytast til

Det er gitt utsleppsløyve for eksisterande utsleppsleidning som eigedomen skal koplast til i vedtak datert 18.08.2017 og løyve til etablering av anlegget i vedtak datert 18.08.2017 i saknr. 16/3990.

Privatrettslege tilhøve

Avløpsanlegget er plassert på eigen eigedom. Utsleppsleidningen er lagt på gbnr 215/5 og 215/2 fram til eksisterande avløpsleidning frå gbnr 215/2 som går til sjø.



Det ligg føre tinglyst erklæring med rett til å leggja leidningar over og knyta seg til den eksisterande avløpsleidningen på gbnr 215/2.

Det ligg føre tinglyst erklæring med rett til å leggja leidningar over gbnr 215/5 og 215/4.

VURDERING

Omsøkt endring gjeld utsleppsstad. Utsleppet frå eigedomen skal no koplast til eksisterande avløpsleidning frå gbnr 215/2 godkjend etablert i vedtak datert 18.08.2017. I løyvet er det opplyst at fleire eigedomar kan koplast til utsleppsleidningen etter søknad om utsleppsløyve for den enkelte eigedom. Anlegget er ferdigstilt med ferdigattest.

Nødvendige erklæringar frå grunneigarar og eigar av avløpsleidningen ligg føre. Det vert vurdert at ny nabovarsling ikkje er naudsynt.

Administrasjonen finn å kunne godkjenna endringa slik det er søkt om.

Godkjenning etter andre lovverk

Løyve til å etablera tiltaket etter plan- og bygningslova er gitt i vedtak datert 06.07.2015. Løyvet må endrast som følgje av endra utsleppsløyve. Dette vert handsama i eige vedtak.

VEDTAK

Med heimel i forureiningslova § 11, forureiningsforskrifta § 12-5 vert det gjeve løyve til endring av gitt utsleppsløyve for bustad på gbnr 215/19 i samsvar med søknad journalført mottatt 08.05.2018 og på følgjande vilkår:

- **Utsleppet skal reinsast i slamavskiljar av godkjend type før utsleppet vert ført i tett, nedgraven leidning og knytt til eksisterande avløpsleidning for gbnr 215/2 som går til sjø.**
- **Anlegget skal plasserast slik vist i situasjonsplan journalført mottatt 08.05.2018.**
- **Anlegget skal elles etablerast i samsvar med dei vilkår om er sett i utsleppsløyvet datert 06.07.2015.**

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Enkeltvedtak gjort medhald av forureiningsforskrifta kapittel 12 kan klagast på til kommunestyret eller særskilt klagenemnd, jf. [forurensningsloven § 85](#) annet ledd og forureiningsforskrifta § 12-15. For enkeltvedtak gjort av kommunestyret er fylkesmannen klageinstans.

Enkeltvedtak gjort i medhald av forureiningsforskrifta kapittel 13 kan klagast på til Fylkesmannen, jf. forureiningslova § 85 2.ledd og forureiningsforskrifta § 41-5

Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjevast. Før det kan reisast søksmål om vedtaket er gyldig eller krav om erstatning, må høvet til å klagt på vedtaket vera nytta fullt ut, jf. fvl. § 27b.

Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller vert arbeidet innstilt i lengre tid enn to år, fell retten til å etablere utsleppet vekk, jf. forureiningsforskrifta § 12-5 4.ledd og § 13-5 4.ledd. Om utslepp framleis er aktuelt må ny søknad sendast inn.

Tilsyn, endring og opphøyr av løyvet

Kommunen er forureiningsstyresmakt og fører tilsyn med at føresegner, lovverk og vedtak fatta i tråd med forureiningsforskrifta kapittel 12 og 13 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnader knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, setja nye vilkår og om naudsynt kalla tilbake løyvet i samsvar med forureiningslova § 18 og forureiningsforskrifta § 12-14 og § 13-17.

Ved all vidare kontakt i denne saka, ver venleg og referer til saknr.:

Med helsing

Siril Sylta
avdelingsleiar

Anne Lise Molvik
rådgjevar

Dette dokumentet er elektronisk godkjent og har difor ingen signatur.

Kopi til:

Lars Ludvig Eidsnes

Vestre Håbakken 4345
11

BRYNE

Mottakarar:

Stendal VVS AS

Blombakken 1 5911

ALVERSUND